

## Član 10.

Postupci koji su započeti prije stupanja na snagu ovog Pravilnika, okončat će se po proceduri propisanoj ovim Pravilnikom.

## Član 11.

Ovaj Pravilnik stupa na snagu 8 (osmog) dana od dana objavljivanja u "Službenim novinama Kantona Sarajevo".

Broj 02-45-503/23  
27. jula 2023. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

**OPĆINA TRNOVO****Općinsko vijeće**

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 17-a Odluke o osnivanju Javnog komunalnog preduzeća "Trnovo" d.o.o. Trnovo ("Službene novine Kantona Sarajevo", broj 8/10 - prečišćeni tekst) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog općinskog načelnika, Općinsko vijeće Trnovo, na 19. sjednici održanoj dana 17.07. 2023. godine, donosi

**ODLUKU****O RAZRJEŠENJU ČLANOVA SKUPŠTINE JAVNOG  
KOMUNALNOG PREDUZEĆA "TRNOVO" D.O.O.****TRNOVO**

## I

- 1 VELIĆ ESAD,
- 2 SMJEČANIN OSMAN i
- 3 MILIŠIĆ NAĐA

razrješavaju se dužnosti članova Skupštine Javnog komunalnog preduzeća "Trnovo" d.o.o. Trnovo, zbog isteka mandata.

## II

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-03-3034/23  
20. jula 2023. godine  
Trnovo

Predsjedavajuća  
Općinskog vijeća Trnovo  
Amina Dedić, s. r.

Odluka objavljena na oglasnoj ploči Općine Trnovo dana 20.07.2023. godine

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 17 a. Odluke o osnivanju Javnog komunalnog preduzeća "Trnovo" d.o.o. Trnovo ("Službene novine Kantona Sarajevo", broj 8/10 - prečišćeni tekst) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog općinskog načelnika, Općinsko vijeće Trnovo, na 19. sjednici održanoj dana 17.07. 2023. godine, donosi

**ODLUKU**

## I

Ovom odlukom imenuju se predsjedavajući i dva člana Skupštine Javnog komunalnog preduzeća "Trnovo" d.o.o. Trnovo, i to:

- 1 Velić Esad - predsjedavajući Skupštine,
- 2 Milišić Nađa - član Skupštine i
- 3 Smječanin Osman - član Skupštine

## II

U vršenju dužnosti članovi Skupštine dužni su se pridržavati odredaba Zakona o privrednim društvima ("Službene

novine Federacije BiH", br. 81/15), odredaba Zakona o javnim preduzećima ("Službene novine Federacije BiH", br. 8/05, 81/08 i 22/09), odredaba Statuta Preduzeća i drugih propisa i akata koji regulišu ovu oblast.

## III

Skupština Javnog komunalnog preduzeća "Trnovo" d.o.o. Trnovo, imenuje se na mandatni period od 4 godine.

## IV

Ova odluka stupa na snagu danom objavljivanja na oglasnoj ploči općine Trnovo, a objavit će se naknadno u "Službenim novinama Kantona Sarajevo".

Broj 01-03-3035/23  
20. jula 2023. godine  
Trnovo

Predsjedavajuća  
Općinskog vijeća Trnovo  
Amina Dedić, s. r.

Odluka objavljena na oglasnoj ploči Općine Trnovo dana 20.07.2023. godine

Na osnovu člana 363. stav (3) tačke 3. Zakona o stvarnim pravima ("Službene novine Federacije BiH", broj 66/13 i 100/13) i člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 19. redovnoj sjednici održanoj 17.7.2023. godine, donosi

**ODLUKU****O NEPOSREDNOJ POGODBI ZA PRODAJU  
NEIZGRAĐENOG GRAĐEVINSKOG ZEMLJIŠTA  
ZOI '84 OLIMPIJSKI CENTAR SARAJEVO**

## Član 1.

Odobrava se prodaja neposrednom pogodbom neizgrađenog građevinskog zemljišta ZOI '84 Olimpijski centar Sarajevo (u daljnjem tekstu: Kupac) označenog kao k.č. 3102/100 površine 24,00 m<sup>2</sup> K.o.Presjenica za izgradnju automatske garaže za korpe šestosjedne žičare.

Prodaja neposrednom pogodbom se vrši za potrebe oblikovanja građevinske parcele.

## Član 2.

Ukupna površina lokacije koja se prodaje je 24,00 m<sup>2</sup>

Namjena objekta: garaža za smještaj korpi šestosjedne isklopive žičare.

## Član 3.

Za neizgrađeno građevinsko zemljište iz tačke 1. ove Odluke kupac je dužan platiti iznos 3.600,00 KM odnosno 150,00 KM/m<sup>2</sup>

## Član 4.

Kapara koju je kupac dužan platiti iznosi 1.000,00 KM i ista se uplaćuje prije zaključivanja ugovora o kupoprodaji na depozitni račun općine Trnovo broj 102839000014396 kod Union banke d.d. vrsta prihoda 722 431, šifra općine 093.

## Član 5.

U slučaju odustajanja od zaključivanja kupoprodajnog ugovora, kupac nema pravo na povrat uplaćene kapare.

## Član 6.

Ovlašćuje se općinski načelnik da sa Kupcem zaključi ugovor o kupoprodaji u formi notarski obrađene isprave nakon pribavljenog pozitivnog mišljenja Pravobranilaštva.

## Član 7.

Troškove notarske obrade kupoprodajnog ugovora, poreza na promet nekretnina i troškove upisa snosi kupac.

## Član 8.

Kupac je dužan kupoprodajnu cijenu za neizgrađeno građevinsko zemljište uplatiti u roku od 30 dana od dana zaključenja kupoprodajnog ugovora. Ukoliko kupac u naznačenom roku ne plati ugovorenu kupoprodajnu cijenu smatrat će se da je jednostrano raskinuo kupoprodajni ugovor.